

րուսաղէմ էր ընդ Իշխանութեամբ Օսմանցւոց (1770) : Ալի Պէկ Եգիպտոսի եկն բազմութեամբ զօրաց 'ի Պաղեստին, եհաս առ նա յօգնութիւն Շէյխ Դահա Օմար յԱքքէ քաղաքէ, և պատերազմեալ առին զԳազա և զՌեմէ եւ զԼիւզիա • կողոստեցին զվանօրայս և 'ի սուր հանին զվանականս ընդ քրիստոնէից : Եւ ապա եկեալ պաշարեցին զքաղաքն Յոպպէացւոց, որ և տեւեաց ամիսս 7, և անկաւ սով 'ի քաղաքին՝ եւ բազումք 'ի բնակչաց մեռան, և 'ի նահանգէն Երուսաղէմի գաղտնի տանէին զպաշար և կերակուր 'ի բանակն • և 'ի սաստկանալ սովուն՝ բազումք մեռան 'ի զիւզականաց և 'ի քաղաքէն : Ալի Պէկ սաստկացոյց զպատերազմն Յոպպէ քաղաքի անընդհատ զաւուրս 5 • 'ի պարտութիւն մատնեցան Յոպպէացիք, և արկեալ թաշկինակս 'ի պարանոցս իւրեանց չոքան և անկան յոտս Ալի Պէկին, և նա յաղթանակաւ եմուտ 'ի ներքս, և յաւարի առեալ կողոպտեաց զվանօրայս երից ազգաց (1772 'ի 6 Փետրվար ամսոյ) : Իսկ Պօղոս Պատրիարք 'ի կարօտութեան և 'ի նուազութեան ժամանակի կերակրեաց զուխտաւորս և զՀայ ազգի ժողովուրդն Երուսաղէմի, նաեւ զաղքատս և զկարօտեալս : Ի ամին ժամանակի նստաւ Փաշտ յերուսաղէմ, զի յառաջագոյն Միւսէլլիմ էր : Եղեւ հաշտութիւն Ռուսաց ընդ Օսմանցիս (1773 • Յունիս) • բայց ծովն զեռ պաշարեալ էր, ուստի ոչ կարաց զալ նաւ ուխտաւորաց :

Աւանդէ նաեւ 'ի յիշատակարանս ձեռագիր Մատենից Կոստանդինուպօլսեցի Սարկաւազ Գալուստ՝ որ եկեալ էր յաւիտ յերուսաղէմ, եւ ականատես լեալ դործոց Ապու Տահապի • Եգիպտացի Ապու Տահապն յարձակեցաւ 'ի վերայ Յոպպէյու 1775 • ց7 Մայիսի յաւուր տօնի Երեւման Ս • Խաչի, և մտեալ 'ի քաղաքն 'ի սուր մաշեաց զբնակիչս նորա և ապա դիմեաց 'ի վերայ երից վանօրէից անդ՝ Հայոց, Յունաց և Լատինաց, և առհասարակ սուր եղեալ կոտորեաց զմիաբանս և զկրօնաւորս և զայլս զորս եգիտ անդ, և մերկացուցեալ զվանօրայս ել անտի : Աւանդութիւն է ծերունեաց քաղաքին, թէ Մինաս վարդապետ Հայոց 'ի պատարագելն դիտատեցաւ առաջի Սեղանոյն՝ ուր զՍեղանն կործանեցին, և տեսուէն թէպէտեւ էջ 'ի ջրհորն՝ այլ ոչ գերծաւ 'ի մահուանէ՝ զի անդ հարեալ սպանին զնա : Եւ